



**R.P. Valerii Reginaldi Bvrgvndi Seqvani E Societ: Iesv,
Praxis Fori Poenitentialis**

Ad Directionem Confessarii, In Vsv Sacri sui muneris ...

Regnault, Valère

Mogvntiæ, 1617

Cap. 1 [i.e. 10]. De peccatis contrariis Charitati in Deum

[urn:nbn:de:hbz:466:1-78332](#)

ad Dei honorem defendendum, qui alioqui periclitatur, vel ad diuinam amicitiam habitam retinendam: ut censetur esse, quando alioqui succumberetur tentationi peccando mortaliter: aut ad amissam recuperandam eo tempore quo contrito eam requirens, posita est in praecerto, de quo dictum est in praeced.lib.5.cap.2. sect.4. Ratio vero esse potest, quod cum actus amoris liberimus esse debeat, consentaneum sit existimare, Deum ea benignitate nobiscum agere, vt ad eum non obliget nos sub pena grauissima peccati mortalis, nisi pro eo tempore quo necessarium est ad ipsius honorem alioqui periclitantem defendendum, aut ad habitam retinendam, vel amissam recuperandam ipsius amicitiam.

99.

Sed aduerte ex Nauar. in cit. cap. II. num. 8. præter dictum Dei amore qui debeat esse ex charitate non facta. ad Timoth. I. id est, esse Dei quatenus per fidem supernaturalem cognoscitur ut finis supernaturalis, & omnium bonorum supernaturalium author est supernaturalis. Aduerte inquam, dari alium naturalem inferiorem & imperfectum, quo Deum absolute amamus vt creatorem nostrum & gubernatorem, prouidentem nobis de necessariis, ac saluatorem nos eripientem a malis, conseruentemque nobis multa beneficia. Ad hunc autem nos extra memorata tempora obligari, si minus principaliter per præceptum de quo agimus; siue principaliter per naturale rationis dictamen: quo intimatur nobis talis obligatio. Quamquidem probabile est tunc demum sub mortali contingere, cum ex illius omissione, adest periculum peccandi mortaliter: vt cum præceptum aliquod diuinum vel humanum obligans sub mortali, mandandum est executioni: idque fieri nequit sine aliquo Dei amore. Nam extra eum catum omisso contraria, vix est cum notabilis iniuria Dei, si contemptus aut alia mortalis circumstantia absit. Quanquam consultum est, vt nota Gregor. à Valen. in fine citati puncti primi; aliquando in confessione accusare se sub dubio si forte præceptum istud sit neglegatum: sicut & de omissione aliorum præceptorum affirmatiuorum, de quibus non constat certo, quando obligent, & quando violentur: etiam si absolute non teneamur confiteri de eo in quo nec scimus, neque ob ali quam peculiarem rationem dubitamus, nos peccasse.

Circa secundam partem propositi præcepti, notandum est cum D. August. loco cit. eo ipso, quod præcipit vt homo diligat proximum sicut seipsum, præupponere quod debeat seipsum diligere. Notandum est vero, per talen suppositionem non præcipi homini vt diligat seipsum amore naturali (cum potius freno quam calcari ad id indigat) sed vt amore supernaturali, quo propter Deum supernaturalem suum finem, & ideo ordinate, amat seipsum.

Circa tertiam demum partem, notandum est in ea, nomine proximi intelligi, omnem eum qui nobiscum potest eiudem beatitudinis participes esse; vt potest omnis homo vitam hanc agens siue fidelis sit, siue infidelis: siue iustus siue peccator: siue amicus siue inimicus: cum dictum sit in priori ad Timoth. cap. 2. quod Deus velit omnes homines salvos fieri. Illi autem qui a iusto iudice Deo irrevocabiliter exclusi sunt ab aeterna beatitudine, ex charitate amandi non sunt: quia consentaneum non est, vt iis quos Deus tanquam hostes habet, velimus beatitudinem, aut eos in ordine ad illam diligamus. Notandum item est amorem proximi ex charitate Christiana, debere esse propter Deum; illum enim amare alio intuitu, vt quia eiudem nobiscum est naturæ, amicus, consanguineus, magister, sodalis, &c. amoris est naturalis.

C A P. I.
De peccatis contrariis charitati in Deum.

S V M M A R I V M.

100. Odium Dei sumitur tum generaliter, tum specialiter.

101. Hoc posterior modo est peccatum contrarium charitati in Deum: & qualiter contingere posse.

102. Secundum peccatum eidem charitati contrarium est, tum diligere Deum propter aliud: tum diligere cetera omnia non propter Deum.

103. Tertium peccatum, magis aut æque diligere creaturam ac Deum.

104. Indirecte plus diligere creaturam, quam Deum, non est contrahoc præceptum.

PRAETER peccatum omissionis, quod committitur non eliciendo amorem Dei super omnia, quo tempore iuxta, antedicta præceptum illius obligat, sunt alia tria charitati erga Deum contraria: quorum primum est, cetera substantiam amoris Dei; nempe odium Dei. De quo D. Thomas 2. quæst 34. art. 2. Dupliciter autem sumitur odium Dei; uno modo generaliter & negariue, prout opponitur charitati, quæ est generalis quadam conditio & modus omnium virtutum: hocque modo quicumque transreditur aliquod præceptum peccando mortaliter, dicitur odio habere, seu non diligere Deum; prout dici posse, colliguntur contra ratio[n]em sensu, ex verbis illis Domini Ioan. 14. Qui habet mandata mea & seruat ea, ille est qui me diligit. Item ex illis quæ paulo post ibid. habentur: Si quis diligit me, sermonem meum seruabit. Atque odium istiusmodi non est speciale peccatum, sed circumstantia omnis peccati.

Altero modo odium Dei sumitur specialiter & positivè, prout opponitur charitati quæ est specialis virtus; sicutque in praeficiuntur de eo agitur: & est peccatum omnium grauissimum ex D. Thoma loco citato; paterque ex eo, quod actu præstantissimo diuini amoris, ex diametro repugnat. Quanquam ex defectu plena deliberationis, ac cum fuerit actus surrepitus, non est peccatum plurimum veniale, vt nec cetera suo genere mortalia pertradita in praeced. lib. 15. sub initium quarti capituli. Nam cum Deus possit duobus modis considerari: altero secundum se, & altero secundum suum effectum externum: nempe quatenus puniri, insigтивè penam: priore modo non potest odio haberi, ne quidem à dæmone, quoniam ea ratione est sumnum bonum, nihilque in se habet nisi bonum, quod objectum est tantummodo amoris, & nullo modo odij. Posterior modo vero, potest odio haberi à peruersa, & depravata voluntate: non vero a recta: sicut puer peruersus, non autem bonus, patrem odit quatenus ipsum cortigitat punit.

Secundum peccatum est contra modum amoris Dei (in hoc iuxta antedicta consistentem, vt Deus ipse propter se, & propter ipsum omnia diligatur) tum diligere Deum propter aliud, quod peccatum est grauissimum, utpote quo creatura sic preferatur Deo, quod ipse non amaretur, nisi illa paranda videretur. In quo sit ipsi Deus summa iniuria, vt de se potest. Tum etiam diligere alia omnia propter aliud quam Deum: quod item est peccatum grauissimum, utpote quo creatura constitutus rerum finis ultimus cum summa Creatoris iniuria. Vbi aduertendum est, quod etiam si nunquam aliis finis ultimus statui debeat quam Deus, non esse tamen semper malum creaturae sibi pro fine principali constituite: vt quando quis laborat principaliter pro mercede, habendo tam Deum pro ultime fine, aut mandata Dei obseruat proper retributionem: quod licet definit Concil. Trid. fest. 6. cap. II. in fine & cap. 16. & can. 26. & 31. per illud Psal. 118. Inclinauit cor meum ad faciendas iustificationes tuas in æternum propter retributionem:] & illud de Moysi dictum in cap. 11. Epist ad Hebreos. Respiciebat in remuneracionem:] Videnda sunt regulae iudicandi de peccatis ex fine qua tradidimus in praecedenti libro 6. cap. 2. & 3.

Tertium peccatum, est contra generalitatem amoris Dei; nempe magis aut æque amare creaturam, ac Deum: hoc enim repugnat quantitatib[us] diuini amoris, qui postulat vt Deus super omnia diligatur. Quod locum habet tantum, quando quis Deum amat minus vel non plus, quam aliud comparative: vt cum siue aet[us], siue virtute: & siue expresse siue tacite (vt censetur is qui deliberate ad fruendum delitum cupit perpetuo vivere in hoc mundo) gerit animum quo æque vel amplius estimat vel amat aliud,

quam

100.

101.

102.

103.

comparacione cum quecumque creatura, quam plus; aut & que astimes, non est quidem malum: amor tamen imperfectus est: quoniam si non minus, saltem non plus ex ratione amat Deus, quam amaretur creatura. Quae doctrina est Nauarri in Ench. cap. I. num. II. & cap. II. num. 8. & 15.

^{104.} In quo tangitetiam (D. Thoma & Soto citatis) quod non est hic tacendum: indirecte creaturam plus diligere quam Deum, non esse contra hoc preceptum: quia id contingit omni peccanti mortaliter: qui quatenus vult aliquid contra Dei preceptum obligans ad mortale, censetur indirecte plus diligere illud, quam Deum: At non omnis peccans mortaliter, transgreditur hoc preceptum: alioquin enim quoties quis peccaret mortaliter, committeret duplex peccatum mortale: unum contra istud, & alterum contra aliud preceptum: ut contra secundum Decalogi, si peccaret, & sic de aliis: quod nimis durum est.

C A P V T X I.

De peccatis contrariis charitati in nosmetipso.

S V M M A R I V M.

105 Peccatum per excessum contra charitatem in nosmetipso.

106 Peccatum per defectum contra eandem.

107 De acedia, in quo consistat, & unde oriatur.

108 Acedia peccatum est de se mortale, & quomodo veniale sit ex accidenti.

109 Deflexionibus Acedia, quomodo unaqueque earum sit peccatum, & quale.

^{105.} C O N T R A charitatem seu amorem nostri ordinarii, peccare possumus, tunc per excessum, tunc per defectum: per excessum quidem cum nos ipsos nimis amamus: quod tunc solum censetur de se mortale, tanquam destruens in nobis charitatem, cum per illud preferimus nos Deo; quod charitati repugnat: non autem cum preferimus nos proximo, quia post Deum in ordine charitatis secundus locus nobis datur. Hoc genere peccati iudicandus est contaminare se, qui pœnam inferni ita timet & premium beatitudinis ita expectat à Deo, ut id ipsum quod timet vel sperat. Deo preferat: secum statuendo quod nolle obtemperare Deo, si tale malum non immiserit, aut tale bonum non esset habendum.

^{106.} Per defectum vero contra eandem charitatem possimus peccare non diligendo nos satis: ut contingit cum salutem nostram sive temporalem sive spiritalem negligimus. Ut autem neglegimus salutis temporalis peccatum sit mortale, res conditiones requiritur. Prima, ut malum quod inde prouenit negligenter sit graue: ut mors, mutilatio, morbus grauius & diuturnus. Secunda, ut idem negligens aduerterit, aut aduertisse debuerit tale malum, ex tali neglegitu sequiturum. Vnde excusari possunt à mortali, qui ex gula comedunt nonnulla quæ mortem ipsi aduerterunt, cum mortifera esse neficiant ne teneantur scire; ut nec studere medicina. Tertia, ut non sit rationabilis causa cui is patiatur tale corporis detrimentum. De neglegitu vero salutis spiritualis iudicandum est; tunc per hoc documentum. Quod mortaliter peccat quisquis bonus tempore preferat æternam sive salutem; vel iis quæ sunt ad illam necessaria; ut est obseruatio præceptorum: tunc pœna quæ traductur de acedia capitali vitio, de qua plinibus quidem D. Thomas 2. quæst. 35. sed sufficiat ad nostrum institutum sequentia notasse.

Notanda de Acedia:

^{107.} P rimus est, quod acedia negligientiam quantam importet, indicari tum ipso nomine quod Græcum est *anxia*, Latine sonans incuriam: tum etiam per illud quod ex D. Damasceno D. Thomas habet art. I. eam esse quamdam tristitiam aggrauantem, siveque deprimentem hominis animum, ut ei nihil agere lubeat. Consistere au-

tem in tristitia qua homini bonum suum spirituale displaceat. Quod bonum, est tum beatitudo æterna, tum bona ad eam consequendam ordinata: ut charitas, opera virtutum, præcepta diuina, sacramenta & huiusmodi alia: ad eos ut homo ipse quasi nolit, & fastidias, se capacem esse talis boni, legie ad illud ordinari, atque rerum spirituum velut nauilem patiarum. Quodquidem oritur ex duplice fonte: nempe ex nimio affectu, quod est temporales prosequitur: & ex auersione quam habet à laboribus & curis, quibus spiritualia bona sunt comparanda. Quæ auersio leui solet prædictum affectum, per quem perditur gaudiu[m] honorum spiritualium, eoque perditio diuina tanquam labioriosa auersari contingit.

Secundum est, accidam peccatum esse de se mortale: quod D. Thomas in seq. art. 3. probat: tum per illud D. Pauli in 2. ad Cor. cap. 7. Tristitia seculi mortem operatur: tum quia repugnat charitati danti vitam animæ. Cu[m] repugnante manifestum argumentum est, quod charitatis sit ad gaudium (ip[s]i] accidit omnino contrarium) nos inclinare. Etenim is qui ex charitate diligit se propter Deum, conquesteret gauderet de bono diuino, per quod ipse ad Deum ordinatur. Quia igitur peccatum mortale est illud quo anima charitatem amittit, qua vivit Deo. sane acedia iudicanda est peccatum esse de se mortale.

Ex accidenti autem censetur venialis. Tum quando plenus rationis consensu defuerit: ut solet, cum subordinatur tristitia quadam internæ, quibus consensu plenus non adhibetur. Tum etiam quando materia censenda est hoc nomine leuis, quod homo non tristetur vere de bono diuino secundum se: sed secundum aliquam circumstantiam loci autem temporis: ut qui de iejunio, quod certo die feruandum est, aut de concione quæ certo loco habenda est tristatur quidem, non tamen absolute tanquam nolens iejunium esse, aut concionem, aliudve ad salutem animæ conducens.

Tertium est, accidam constitui vitium capitale: cuius sex sint filiae, malitia, rancor, pusillanimitas, desperatio, torpor, & euagatio mentis: de quibus agit D. Thomas in cit. quæst. 35. art. 3. Nobis autem sufficit ut notare cum Tolero in fine tractatus de septem peccatis mortalibus: malitiam esse, qua homo odio habet ipsa spiritualia bona in se, quaque velle ea non esse: aut quia ipsum penitus bene fecisse, & impluisse quod tenebatur facere, aut etiam qua contemnit Dei beneficium, desiderando se non esse natum: aut non cognovisse Christum, &c. Hæcque est de se peccatum mortale, ut pote aperte contraria charitati, qua debemus diligere nos ipsos propter Deum. Rancorem vero est, quo fastidit & auersatur quis eos homines (ut concionatores & religiosos viros) qui ad spiritualia amplectenda inducuntur. Hunc non esse peccatum plusquam veniale idem authoritat: addita exceptione nisi coniungatur cum odio quo talibus hominibus notabilem damnum optetur. Pusillanimitatem autem esse, quæ homo non det quæ perfectionis sunt amplecti. Hæcque ob humanam infirmitatem quæ foveat, non videatur peccatum esse plusquam veniale: De desperatione quid sit, & quale peccatum sit, sat is constat ex secunda parte præcedentis capituli 7. Torporum porro esse, quo quis negligit suam salutem, omittens facere quæ ex præcepto tenetur. Quod cum sit contra charitatem, quæ debet suam salutem & æternam diligere, dicente Domino Matth. 19. Si vis ad vitam ingredi, seruam te a me, dubium non est de se peccatum esse mortale. Euagiationem denique mentis esse defectum attentionis, quæ in rebus spiritualibus exequendis adhibenda est. Quæ tunc censeretur mortalis, cum notabilis est, & culpabilis: at teatatioque contraria requiritur ad impletionem præcepti obligantis sub mortali; prout requiritur ad impletum præceptum de recitandis horis Canonis, & de celebranda vel audienda Missa.

CAP.